

4 Chò chúlâng ê, tiòh iōng konggī kah kongpêⁿ tùi thāi lín ê lôpòk, inūi lín chai lín tī thiⁿténg mā ū chit ūi chúlâng.

Khoànbíán

2 Lín tiòh puttoān choansim kító, kító ê sī tiòh kóngchéⁿ, koh tiòh kámsiā SiōngChú. 3 Lín mā tiòh ūi goán kító, kíkūi SiōngChú ūi goán phakhui chit sīⁿ m̄ng, thang soaniōng Kitok ê òpì (góa tòh sī ūi tiòh chitê iánkò tng teh chē kaⁿ); 4 áne, góa tòh ē tàng kā góa engkai kóng ê òpì lóng hiánbêng chhutlâi.

5 Lín tiòh páak kihōe, tui thāi bīsinchiá tiòh ū tihūi. 6 Lín kóngōe tiòh unhô, chhinchhiūⁿ ēng iām tiāubī, thang hō lín liáukái tiòh ánhóaⁿ lâi ìntap múi chitê lāng.

Kiatbóe ê Chhéngan

7 Góa tī chia ê itchè chēngóng, góa sǒ thiàⁿ ê hiaⁿtī Tukhikó ē kā lín kóng. I sī chit ūi tionsit ê pòkjīn, mā sī góa tī Chú nih ê tângkang. 8 Inūi áne, góa chiah chhephài i khì lín hia, thang hō lín chai goán ê chēngóng, koh hō lín ê sim tit tiòh anūi. 9 Onesimō mā ē kah i chòhóe khì, i sī tionsit koh tit lāng thiàⁿ ê hiaⁿtī, mā sī lín hia ê lāng. In ē kā chia ê itchè lóng kóng hō lín chai.

10 Kah góa chòhóe chē kaⁿ ê Alísutátkhó kā lín chhéngan, Banába ê piáu siótī Mákhó, mā kā lín chhéngan; koanhē Mákhó, góa íkeng kā lín hoanhù kòe, i nā khì kàu lín hia, chhiáⁿ lín tiòh kā i chiaphāi. 11 Hitê piátmiá kiòchò lúsūto ê lésu mā kā lín chhéngan. Tī siūkòe katlé ê lúthài lāng sìntō tionskan, kantaⁿ téngbīn chit saⁿ ūi ūi tiòh SiōngChú Kòktō kah góa tângkang, in hō góa tit tiòh chin tōa ê anūi.

12 Êpahúlah beh kā lín chhéngan, i sī tui lín hia

4 做主人 ê, tiòh 用公義 kah 公平對待 lín ê 奴僕, 因為 lín 知 lín tī 天頂 mā 有一位主人。

勸勉

2 Lín tiòh 不斷專心祈禱, 祈禱 ê 時 tiòh 警醒, koh tiòh 感謝上主。 3 Lín mā tiòh 為阮祈禱, 祈求上主為阮 phah 開一扇門, thang 宣揚基督 ê 奧祕 (我 tòh 是為 tiòh chitê 緣故 tng teh 坐監); 4 áne, 我 tòh ē tàng kā 我應該講 ê 奧祕 lóng 顯明出來。

5 Lín tiòh 把握機會, 對待未信者 tiòh 有智慧。 6 Lín 講話 tiòh 溫和, 親像用鹽調味, thang hō lín 了解 tiòh án 怎來應答每一個人。

結尾 ê 請安

7 我 tī chia ê 一切情況, 我所疼 ê 兄弟推基古 ē kā lín 講。伊是一位忠實 ê 僕人, mā 是我 tī 主裡 ê 同工。 8 因為 áne, 我 chiah 差派伊去 lín hia, thang hō lín 知阮 ê 情況, koh hō lín ê 心得 tiòh 安慰。 9 阿尼西謀 mā ē kah 伊做伙去, 伊是忠實 koh 得人疼 ê 兄弟, mā 是 lín hia ê 人。 In ē kā chia ê 一切 lóng 講 hō lín 知。

10 Kah 我做伙坐監 ê 亞里達古 kā lín 請安, 巴拿巴 ê 表小弟馬可, mā kā lín 請安; 關係馬可, 我已經 kā lín 吩咐過: 伊若去到 lín hia, 請 lín tiòh kā 伊接待。 11 Hitê 別名叫做猶士都 ê 耶穌 mā kā lín 請安。 Tī 受過割禮 ê 猶太人信徒中間, kantaⁿ 頂面 chit 三位為 tiòh 上主國度 kah 我同工, in hō 我得 tiòh 真大 ê 安慰。

12 以巴弗 beh kā lín 請安, 伊是 tui lín hia

lâi ê, mā sī Kitok lésu ê pòkjîn. I tiāⁿtiāⁿ ūi lín pekchhiat kító, kiū SiōngChú hō lín khiā chāi, chhiong móa khaksìn, oânchoân sūnhók SiōngChú ê chí. 13 Góa ē tàng ūi i chò chêng, i khaksit ū ūi tiòh lín kah tòa tī Lâutíkiah, Hiláhpholí ê lāng lôkhó chòkang. 14 Goán chhinài ê Lūka iseng kah Tê má mā beh kā lín chhéngan.

15 Chhiáⁿ thè góa kā tī Lâutíkiah ê hiaⁿtī chímōe kah Numháh, íkíp tī in tau teh chūhōe ê sîntô chhéngan. 16 Chit tiuⁿ phoe lín soanthók liáuāu, mā tiòh choán hō Lâutíkiah lāng ê kauhōe soanthók; lín mā tiòh soanthók tùi Lâutíkiah choán lâi ê phoe. 17 Lín tiòh kā Alkihpò kóng, "Tiòh kinsīn lâi oânsêng lí tùi Chú só niásiū ê chithūn."

18 Góa Páulô chhinpit siá phoe kā lín chhéngan. Lín tiòh siàuliām góa chit má teh chē kaⁿ. Goân SiōngChú ê intián kah lín tôngchāi!

來 ê, mā 是基督耶穌 ê 僕人。伊 tiāⁿtiāⁿ 為 lín 迫切祈禱，求上主 hō lín khiā 在，充滿確信，完全順服上主 ê 旨意。13 我 ē tàng 為伊做證，伊確實有為 tiòh lín kah tòa tī 老底嘉、希拉坡里 ê 人勞苦做工。14 阮親愛 ê 路加醫生 kah 底馬 mā beh kā lín 請安。

15 請替我 kā tī 老底嘉 ê 兄弟姊妹 kah 寧法，以及 tī in tau teh 聚會 ê 信徒請安。16 Chit 張 phoe lín 宣讀了後，mā tiòh 轉 hō 老底嘉人 ê 教會宣讀；lín mā tiòh 宣讀 tùi 老底嘉轉來 ê phoe。17 Lín tiòh kā 亞基布講：「Tiòh 謹慎來完成你 tùi 主所領受 ê 職份。」

18 我保羅親筆寫 phoe kā lín 請安。Lín tiòh siào 念我 chit má teh 坐監。願上主 ê 恩典 kah lín 同在！